



E. VI.

225

80

40

(.g)

Exve

18

211

47(4)

1 V 24

HISTORIA ALTERA

Continuatio

FRANCISCO XAVIERIO

FRANCISCO XAVIERIO

FRANCISCO XAVIERIO

FRANCISCO XAVIERIO

FRANCISCO XAVIERIO

FRANCISCO XAVIERIO

FRANCISCO XAVIERIO

14299/A.





A. T. R. O. C. I. S.

R. A. R. I. S. S. I. M. I. Q. U. E.

M. O. R. B. I.

HISTORIA ALTERA.

Conscripta ab

HERMANNO BOLTHAUS.



LABORATORY OF MEDICAL HISTORY

THE NATIONAL MUSEUM

WASHINGTON, D. C.

1900

VIRO DOCTISSIMO,

PERITISSIMO MEDICO,

JACOBO KAAU,

AFFINI SUO CARISSIMO,

H. BOERHAAVE.



*anni jam ultra triginta e-*  
*lapsi sunt, a quo medicinam*  
*una excoluimus, communi*  
*consilio, instituto com-*  
*muni, hanc non perfunctorie tra-*

## DEDICATIO.

*Etantes. Et saepenumero interim, accidisse meministi, ut colloqueremur de ambiguis notis morborum; quae, licet ipsae quidem manifestas se nobis offerant, tamen vel sic anceps relinquunt, quamnam illarum causam physicam in corpore latentem debeamus pro vera agnoscere, cuique radicitus extirpandae impendenda sit rationalis medicinae potestas, Semper enim, dum incerta haec Medico signa occurrunt, occurrunt autem nimis crebro, maximam nasci difficultatem proposito disciplinae nostrae, experti dolebamus. Sive autem illud inde evenit, quod una causa eventus in corpore*  
*pro-*



# DEDICATIO.

*producit varios ; sive quod effectus ,  
qui nobis iidem prorsus apparent ,  
interim a diversis omnino causis exci-  
tantur ; sive denique quod utrumque  
hoc fiat simul. Sane castigata ad se-  
veras scientiae leges medicina fateri  
cogitur , illam sapientiae suae par-  
tem , quae in dignoscendis , atque in-  
terstinguendis , accuratissime morbis  
versatur , exigere , ut observatione  
exacta enumerentur omnes , quae hic  
unquam sensibus explorari queunt va-  
rietates casuum signa inter & mor-  
bos hisce signis indicatos. Ita scili-  
cet , neque alia ulla ratione , habebi-  
tur pulchrior artis perfectio , quam*

# DEDICATIO.

*Boni omnes optamus, cui promoven-  
dae omnem damus operam. Videtur-  
que adeo hoc Graecis creditum Me-  
dicis, ut hinc signorum doctrinam  
tanti fecerint, ut Hippocraticorum  
opcrum vix decima pars agat de aliis  
omnibus medicinae partibus simul,  
dum caeterae omnes in sola signorum  
historia occupantur. Ipse exemplum  
dedi jam prius, dum moestissimus  
acerbissimum Nobilissimi, atque Il-  
lustris, Heröis, JOANNIS DE WAS-  
SENAER fatum tremulo descripsi  
calamo. Nunc historiam terribilis  
morbi, cujus insuperabilis violentia  
acerbo funere mersit Illustrem Mar-  
chio-*

# DEDICATIO.

*chionem de Sancto Albano , pari  
tristitia compono. Ex utroque me-  
morato malo constare puto , data ac-  
curatissima descriptione omnium ap-  
paritionum sensibus oblatarum in  
decursu morbi, tamen de causa nihil  
sciri, nisi inciso cadavere. Ubi vero  
semel causa sic reperta subnexa fuit,  
deinde similem forte exortum feli-  
cius intelligi posse. Ut necessitas,  
utilitasque , vere constet Anatomæ  
in medica praxi. Mortuorum enim  
incidere corpora , non discentibus  
modo, ut Celsus statuit, sed & peri-  
tissimo artis magistro , necessarium.  
hoc Hippocratem gnaviter fecisse com-*

# DEDICATIO.

*mentarii ejus super morbis docent ;  
hoc Ipsos Aegyptiorum reges diligen-  
ter exercuisse , antiquitas testatur.  
Tibi vero , Conjunctissime mi affinis ,  
opusculum inscribo , quoniam novi  
animum Tuum harum rerum & peri-  
tissimum esse, & hujusmodi rebus vere  
delectari. Sed & esto simul hoc pu-  
blicum documentum amoris , quo Te  
complector , atque aestimationis ,  
quam de eruditione Tua , atque vir-  
tute, habeo. Vale ! & feliciter diu  
age ! Lugd. Bat 17<sup>44</sup>/<sub>27</sub>.*

# CATALOGUS LIBRORUM,

MEDICORUM, ANATOMICORUM, CHIRURGICORUM & BOTANICORUM,

in Officinis

T. HAAK ET S. LUCHTMANS.

- Boneti Opera Omnia fol.  
- - - - Sepulchretum Anatomicum fol.  
- - - - Polyalthes, 3 voll.  
Mangeti Bibliotheca Anatomica fol.  
- - - - Pharmaceutico Medica, 2 voll. fol.  
- - - - Chirurgica, fol. 2 voll.  
- - - - Chemica, fol. 2 vol.  
Vesalii Anatomia fol. 2 voll.  
Eustachi Tabulæ Anatomicæ fol.  
Hippocrates Fœlii, fol.  
Fabricii ab Aquapendente Opera Anatomica, fol.  
- - - - Opera Chirurgica fol.  
Morison Historia Plantarum, fol. 3 voll.  
Raji Historia Plantarum, fol. 3 voll.  
Dechalis cursus Mathematicus fol. 4 voll.  
Wallisii Opera Mathematica fol. 3 voll.  
Valentini Musæum Musæarum fol. 2 voll.  
Kircheri Ars Magna Sciendi fol.  
- - - - Physiologia Experimentalis fol.  
Vaillant Opera Botanica fol.  
*Pomet Histoire des Drogues, fol.*  
Duretus in Hippocratem fol.  
Chauvini Lexicon Philosophicum fol.  
Vieussens Neurologia fol.  
Langii Opera Omnia fol. 2 voll.  
*Tresors de la Philosophie des Anciens fol.*



Euclides Gregorii fol.

Plumier de Felicibus Americanis fol.

*Histoire des Plantes environ Aix par Garendel fol.*

Barlieri Historia Plantarum fol.

Riverii Opera Medica, Lugd. fol.

Diemerbroek Opera omnia Medica & Anatomica,  
cum fig. fol.

Dolæi Opera omnia Medica fol. 2 voll.

S. Empirici Opera Gr. & Lat. Fabricii fol.

Mangeti Theatrum Anatomicum fol. 2 voll.

Musitani Opera omnia fol. 3 voll.

Paracelsi Opera omnia fol. 3 voll.

Pluknetii Opera omnia Botanica fol. 6 voll.

Prosper Alpinus de Medicina Methodica 4.

- - - - de Medicina Ægyptiorum 4.

Chesneau Observationes Medicæ 4.

Ruyfchii Opera Omnia 4. 4 voll.

Baglivii Opera Omnia 4.

Barchausen Elementa Chymix 4.

- - - - - Dissertationes 4.

S'Gravesande Physica 4.

Stahl Opera Medica 4.

Bidloo Opera Anatomica & Chirurgica 4.

Cælius Aurelianus de Morbis Acutis 4.

Swammerdam de Utero 4.

*Moriceau Maladies des Femmes Grosses 4.*

- - - - - *Observations des Maladies des Femmes  
grosses 4.*

*Palsyn Description Anatomique 4.*

*Lemery Dictionnaire des Drogues Simples 4.*

Borellus de Motu Animalium 4.

- - - - - de vi Percussionis 4.

Bellini Opuscula 4.

- - - - - de Urinis & Pulsibus 4.

- - - - - de Structura.

Verheyen Anatomia 4. 2 voll.

- Traite des Accouchemens par la Mette* 4.  
 Nenter Fundamenta Medicinæ 4. 2 voll.  
 Marggravii Opera Medica 4. 2 voll.  
 Valtalva de Aure Humana 4.  
*Quintenie Instructions des Jardiniers* 4. 2 voll.  
*Liger Oeconomie de la Campagne* 4.  
*Observations Physiques par Feuillet* 4. 2 vol.  
 Cartesii Opera Omnia 4.  
 Goris Contemta Medicina 4.  
 Newton Principia Mathematica 4.  
 Silvii Opera Medica 4.  
 Tournefort Institut. rei Herbariæ 4. 3 voll.  
*Pharmacopæe de Charras* 4.  
 Leeuwenhoek Opera omnia 4. 4 voll.  
 Barbette Opera 4.  
 Chynæi Fluxiones 4.  
 Wepferi Opuscula 4.  
 Gregorii Astronomia 4.  
 Albini (*Bernardi*) Oratio de Incremento & statu Artis Medicæ seculi xvii. 4.  
 Hermannii (*Pauli*) Paradisus Batavus 4.  
 Kerckringii (*Theodori*) Opera Anatomica, continentia specilegium Anatomicum, Osteogeniam foetuum, nec non Anthropogeniæ Ichonographiam 4. cum fig.  
 Broekhuysen (*Benjamini*) Oeconomia Corporis animalis 4.  
 - - - - - Rationes Philosophico-Medicæ Theoretico Practicæ 4.  
 Craanen Animadversiones in H. Regii Praxin Medicam ex edit. Broen.  
 Dekkers Oratio de medicina & medendi methodo.  
 S'Gravezande Oratio de Matheſeos in omnibus ſcientiis, præcipue in Phyiſicis uſu.

Le Mortii Oratio de Empirica doctrina Medica. 4.

Mulder defensio Exerc. de Thymo contra Verheyen. 4.

Oosterdyck Schacht Oratio de iis quæ medicum ad artis exercitium se assignentem præcipue scire oportet. 4.

- - - - - Orationes duæ, quarum prima est de firmitate artis Medicæ, altera de Medico Exercitato. 4.

Rau Oratio de methodo docendi & discendi Anatomicen. 4.

Swammerdam Historia Insectorum Generalis, 4. cum fig.

Barbette Opera Medica 4.

Bernoulli Ars conjectandi. 4.

Bidloo Opera Omnia Medico-Anatomico-Chirurgica, 4. cum fig.

- - - - - de Oculis & visu Variorum Animalium 4.

Boyle Opera Varia, 4. 4voll. cum fig.

Castelli Lexicon Medicum 4.

Galilæus de Systemate mundi. 4.

Gassendi Astronomia 4.

Gregorii Elementa Astronomiæ, Physicæ, & Geometriæ, 4. cum fig.

Gulielmini Opera Omnia 4.

Helmontii Opera Omnia 4.

Hermanni Phoronomia de viribus & motibus corporum solidorum & fluidorum 4.

Hugenii Opera Varia, 4. cum fig.

Keill Opera Omnia 4.

Lancisii Opera Omnia Medica 4.

Merian Erucarum ortus, alimentum & Metamorphosis, 4. cum fig.

- Pisonis Observationes & consilia 4.  
 Pitcarnii Elementa Medicinæ & Dissertationes,  
 4. 2 voll.  
 Polenus de motu Aquæ mixto, Patavii 4. 2 voll.  
 cum fig.  
 - - - - de Utilitate Physices in rebus Mathem.  
 ibid. 4.  
 Pontedera de Florum Natura, Patav. cum fig.  
 4.  
 Stenevelt de Ulcere Verminoso 4.  
*Varignon Nouvelle Mechanique ou Statique*, a  
 Paris 4. 2 voll. cum fig.  
 de Graaf Opera Anatomica 8.  
 Gagliardus de Ossibus 8.  
*Description Exaëte des Maladies des Os, par Test,*  
*Courtice & l'Emery* 8.  
*La Curiosité de Emery* 8.  
 Barchausen Pharmacopeus Synopticus 8.  
 Fr. Hoffmanni Dissertationes physico Medicæ 8.  
 4 voll.  
 Baglivii Opera Omnia 8. 2 voll.  
 Sanctotorini Opuscula Medica 8.  
 Redius de Insectis 12. 2 voll.  
 - - - - de Animalculis vivis 12.  
 - - - - idem Italice 8. 4 voll.  
 Goris Mercurius Triumphator 8.  
 Fraston & Majon de Respiratione & de Rachitide 8.  
 Glissonii Opera Omnia, 3 voll. 12.  
*Histoire de l'Academie de Sciences* 8. complet.  
*Blegny Art de Guérir les Maladies Veneriennes*  
 12.  
*Lemery Cour de Chymie* 8.  
 Terraneus de Glandulis 8.  
 Boerhaave Institutiones Medicinæ, 8. Editio nova auctior.

- Boerhaave Aphorismi 8. Edit. nova auctior.  
 - - - - Historia Morbi prima & altera 8.  
 Heisteri Compendium Anatomicum 8.  
*Conseil de vivre Cent Ans par Cornaro.* 8.  
 Magnol Hortus Regius Montpelienfis 8.  
*Oeuvres Posthumes de Robault* 8. 2 voll.  
*Emery Curiositez Secrettes* 8. 2 voll.  
*Traité des Medicaments* 12.  
*Garengot Instrumens de la Chirurgie* 8.  
*Aller Abrege de la Medicine Pratique* 8. 3 voll.  
*Cuisiner Francois* 8.  
*Huygens traite de la Pluralite du Monde* 8.  
*Dionis Operations de Chirurgie* 8.  
 Stalparti vander Wiel Observationes 8. 2 voll.  
*Remedes de Mad. Fouquet* 12.  
 Peyeri Parerga Anatomica 8.  
 - - - - Merycologia 8.  
*Anatomic de St. Hilaire* 8. 2 voll.  
 Munnix de Re Anatomica 8.  
 Mekerens Observationes 8.  
 Abercrombious de Varietate Pulsus, Lond. 8.  
 Dactiguelonge Apographe rerum Physiologico  
 medicarum 8.  
 Hermannii (*Pauli*) Catalogus Horti Academici  
 Lugduno Batavi, cum fig. 8.  
 Hamilton (*David*) de Praxeos regulis & Febri  
 miliari, accedit Febris miliaris Historiarum  
 fasciculus 8.  
 Hecquet novus medicinæ conspectus, *Parisiis*  
 12.  
 Hammen de Herniis 12.  
*Histoire des Plantes de l'Europe, a Lyon* 2 voll.  
*cum fig.* 12.  
 Sanctorii Ars de Medicina Statica cum M. Lister  
 commentario 12.



- Smitzii compendium Medicinæ Practicæ 12.  
*Traite de Physique par Castel, a Paris* 12.  
 - - - de la Pluralite des Mondes par Huygens. 12  
*Essais d'Anatomie par Bedevole* 12.  
 Blancardi (Steph.) Anatomia novissima, cum fig. 8  
 - - - Lexicon medicum 8.  
 Charleton de Oeconomia animali & G. Cole de  
 secretione animali cogitata 12.  
 Chrouet Dissertatio de trium Oculi Humorum  
 Origine, natura & formatione 8.  
 Thomson Dissertat. Medicæ 8.  
 Craanen Observationes excerptæ ex prælectioni-  
 bus publicis & privatis 12.  
 Cypriani Epistola Historiam exhibens, foetus  
 humani<sup>3</sup> post XXI. menses ex uteri tuba, ma-  
 tre salva ac superstita, excisa, cum fig. 8.  
 Euth Anatome Umblici curiosa 8.  
 - - - de Hydrope 8.  
 S'Gravezande (G. J.) Matheseos Universalis E-  
 lementa, quibus accedunt specimen commen-  
 tarii in arithmeticam Universalem Newtoni.  
 &c. 8.  
 Gulielmini Exercitatio de Idearum vitiis 8.  
 Lamzweerde Historia naturalis molarum Uteri,  
 cum fig. 8.  
 Le Mortii Fundamenta Nova Antiqua Theo-  
 riæ Medicæ. 8.  
 - - - - - Facies ac Pulchritudo Chymicæ. 8.  
 Musschenbroekii (Petri) Elementorum Physico  
 Mathematicorum Epitome. 8.  
 Nuck Adenographia curiosa & uteri foeminei  
 Anatome nova. 8.  
 - - - Sialographia & ductuum Aquosorum Ana-  
 tome 8.  
 Pharmacopœa Leidensis 8.  
 - - - - - Amstelodamensis. 24.

- Tassen la Chirurgie militaire.* 12.  
*Tulpii Observationes Medicæ* 8.  
*Rudolphi Medicus ad Aegri Palatum varium in Materia Medica.* 8.  
 - - - *Progymnasma medicum de iis, quæ sunt observanda in mulieribus largiter menstruatis* 8.  
*Senguerdi rationis & experientiae connubium, cum fig.* 8.  
*Saellen Theoriæ Mechanicæ Physico Med. delineatio* 8.  
 - - - *defensio de Spiritibus Animalibus.* 8.  
*Sydenham progressus integri in morbis curandis* 12.  
*Tolet traite de la Lithomie, avec fig.* 12.  
*Verle Anatomia Artificialis Oculi Humani, cum fig.* 12.  
*Willis Anatomia Cerebri, cum fig.* 8.  
*Aquarius de Urinis* 8.  
*Albertus Magnus de Secretis mulierum.* 12.  
*Amman Character Plantar.* 8.  
*Andry generation des Vers dans le Corps de l'Homme, avec fig.* 12.  
*Apicius Cælius de Arte coquinaria.* 8.  
*Farbette Chirurgia* 12.  
 - - - *Praxis* 12.  
*Barckhausen Collectanea Medicinæ Practicæ* 8.  
 - - - *Acroamata* 8.  
*Bartholini Anatomia, ed. opt. cum fig.* 8.  
*Belloste Chirurgien d' Hospital* 12.  
*Bennet Theatrum Tabidorum* 8.  
*Thermarum Bathoniensium & Aquisgranensium comparatio* 8.  
*Bontekoe Fundamenta Medica* 8.  
 - - - *Elements de Medicine, 2 voll.* 8.  
*Dionis Anatomia, cum fig.* 8.  
 - - - *traite d' Accouchemens.* 8.  
*Donckers Idea febris Petechialis* 8.  
*Enrii Opera Medica* 8.  
*Eustachii Opuscula Anatomica* 8.  
*Freind Emmenologia* 8.  
 - - - *de Febribus.* 8.  
*Gaveri nova Febris idea* 8.  
*Gaukes praxis Chirurgico Medica* 8.  
 - - - *Dissertatio de Medicina* 8.  
*Geuderus de Fermentis* 8.  
*Harris de Peste* 8.  
 - - - *de morbis infantum* 8.  
 - - - *ars curandi morbos* 8.  
*Hippocratis Aphorismi ab Almeloveen.* 24.  
*de la Hire traite de Mechanique* 12.  
*Histoire du fatus Humain* 12.  
*Hofmannus de Cinnabari Antimonii* 12.  
 - - - *de usu Lienis, Cerebri* 12.  
 - - - *de Febribus* 12.  
*Hollerus in Hippocratem* 8.  
*Lamzweerde molarum Uteri Historia* 8.  
*Merreri Pinax rerum naturalium Britannicarum* 8.  
*Musgrave de Arthritide Anomala.* 8.  
*Peyeri Parerga Anatomica* 8.  
*Reverhorst de motu bilis circularis.* 8.  
*Riverius reformatus. 2 voll.* 8.



A T R O C I S,  
R A R I S S I M I Q U E  
M O R B I  
H I S T O R I A A L T E R A.



cometræ quotiescunque sol-  
vendum objicitur problema,  
quod ex ipsa rei objectæ indole  
expediri nullo modo potest, suo  
hic se functum officio arbitra-  
bitur, ubi certa demum demonstratione  
evicerit, impossibile omnino esse illud, quod  
quaeritur, efficere. Sed neque magis suo  
laudat ipsa mathesis artifices, qui extricant<sup>s</sup>  
quod fieri per rerum naturam potest, quam  
illum, qui certa ratione probat, impossibi-  
litem rei propositæ. Ipsum hinc etiam  
A Hip-

Hippocratem, qui Mathematicarum disciplinarum ubique laudatur studiosissimus, sua quoque in arte similia professum legimus. Ille enim, dum sapienter super officio medici commentatur, haud minus inclarescere peritiam medicantis asserit, quando impossibilem prorsus curatu morbum fuisse re demonstrat ipsa, quam ubi, curatione in sanationem producta, malum arte superabile sustulit. Modum enimvero habet, certosque agnoscit fines, quibus definitur sua cuique arti potestas, quos ultra nihil valet.

Utinam ergo firma lege constitutae essent notae, quibus medicus sanari nescios dignoscere queat morbos, atque ab iis, qui artis opem tractabiles admittunt, caute distinguere. Nonne felicius longe disciplina haec posset exerceri? vel ea utique gratia inprimis, quod contrariis saepe remediis haud exasperaretur, quod corrigi nefas. Utinam in ordinatas ergo classes digestos cerneremus morbos sanabiles, atque insuperabiles penitus! ne negligerent illi, ne temere hi, quotidie tractarentur, ab his, qui praeterquam quas res ipsa habet molestias, majora saepe incommoda arte inani aggravant. Animum ideo induxi, infortunatissimum describere morbum, cujus forte aliud exemplum apud

rei medicae Scriptores temere vix inveneris, qui inevitabili forte extinxit in ipso aetatis flore, in ipso virium vigore, Illustrem Virum atque praenobili ortum stirpe, Guidonem Papam, Marchionem de Saint Auban. Operam dabo, vivis ut depingatur coloribus facies horrendi mali ita, ut, si quis alius forte casus deinde inciderit ejusdem plane ingenii, cognosci hinc queat, aut saltem ambigenti super natura tectae aegritudinis nascatur oportunitas cogitandi de re, quae nisi exemplo prius innotuisset, nunquam potuisset in hominis cogitationem illabi.

Corpus quidem huic natura formaverat firmum valde, mireque agile, in omne motuum genus prorsus aptum natum, pulchraque membrorum symmetria concinnum; in quo sane ut nec proceritatem culpares nimiam, ita neque obesi pondus inutile, rursus tamen macilentiam non horreret; sed tale prorsus, quod actionibus quibuscumque exercitandis cum facilitate appositissimum haberetur. quoties illud ego a triennio spectavi medicus nullo unquam signo vel laxi nimis vel stricti vitio laborare deprehendebam. Vasa certe sanguifera repleta quidem magis solito monstrabant sanguificas vires aliquantulum in corpore valere ultra modum; unde & in-



signes saepe cruoris jacturas per haemorrhoidas fuerat passus. Aliter de conspectu vix deprehendisses vera signa, ex quibus colligere liceret, cuiam imprimis humori ex quatuor, quos medici recensent, addiceres, tam iusta temperatione ex omnibus permistis sanitas Viri pendere videbatur. Unde ut agilitas corpori cereo mirabilis, ita & animi affectus facile incitati quidem, at leni flexilitate obsequiosi iterum, facileque secundum rationem moderandi, regendique. Laudabilem hanc a natura corporis indolem ipse firmaverat cultu sobrietatis per omnem vitae decursum severo; vini vix unquam appetens, neque illud nisi pluri aqua dilutum potans; quem solum potum quotidianum usurpabat; caeterum omni alimentorum genere promiscue, absque delectu utebatur; pingua tamen opima carniū, atque butyrum recens, praeter reliquis eximie amabat, horumque usui paulo forte minus temperato unice semper indulgere fuerat assuetus. Exercitatione corpus durare, equitatione, venatu, saltatione, ultra modum fatigare illud solebat; eo sane magis, quo alacrius cuncta haec ferre praeter aliis poterat, ab immodicis exercitiis vix lassus unquam, nunquam debilis. Quibus rebus evenit, ut, teneriore hacce corporis fabrica-

brica usus, facile in morbos ex flexili ejus mutabilitate vergeret, sed interim instituto vitae enarrato, futuros averteret quam felicissime. levissima quidem lenissimae rachitidis signa altero a natu anno brevi difflavit. Quumque quintum ageret actatis annum tumidulo abdomine, atque duriore aliquamdiu laboravit, ita tamen ut levidense hoc malum morbo majori originem non debuerit, neque detrimenti quidquam attulerit, quin imo brevi absque ulteriore noxa evanuerit integre. Caeterum graviora nunquam passus, decimo dein & sexto fere vitae anno ex acuta febre aeger, per plures aegrotabat satis vehementer dies, interea vero convaluit rursus inde brevi, neque porro aliquid inde mali passus fuerat.

Immunis ergo, atque fortis, haereditario tantum malo plures per annos discruciatum se sensit. Haemorrhoidum scilicet tumidissimarum singulari valde enato malo. Quod in incredibilem quidem magnitudinem excrecens incommodissimum diu toleravit, quum & enormiter emineret, atque maximam simul sanguinis sinceri, purissimique, copiam quotidie salientem effunderet, tum ex suffocato etiam humorum circumductu in malignum tandem ingenium degenerasceret, ita, ut minax admodum remedium efflagitaret quam

maxime : quum neque atrocitatem doloris exquisitissimi ferre posset ulterius, & neque gangraena a praetumidis inflammatis partibus videretur abesse. Consuluit itaque tunc temporis me super hoc malo, quod victu leni, pacantibus remediis externis, internisque, perfecte ablatum, corpus dein reliquit vegetum, perfectissime sanum, neque vel minime culpandum, integri sesquianni spatio. Quum ergo magno hoc malo liberatus esset, abique ulla sectione, ustione, vel vasorum luxuriantium constrictu, sedulo inprimis quotidie animadvertebatur, an forte maliquidquam appareret, quod succederet post sanatas haemorrhoidas? ut ei ocyus, si vel minimum forte deprehenderetur, iretur obviam. Neque id modo, quia post praeeuntem divum Hippocratem omnes deinceps Medici admonuere, a curatis his multa saepe, & mira, mala succedere, quae longe funestiora ipsis forent haemorrhoidibus; sed vel ea inprimis gratia, quod Illustris Pater defuncti, olim haemorrhoidibus tumidissimis laborans, hinc muneri suo militari equestrique prorsus impar, extirpandas has urendo & secando postquam curaverat; anni deinde a peracta curatione spatio satis bene valuit, dein per duos menses difficultate spirandi labor-

bo-

borans, in vomitus enormes sanguinis incidit, qui decem dierum decursum hinc protracti, vitam abstulere. Sed pervigil in eventum intentissima cura nihil quidquam observare valuit tanto spatio temporis, unde ullam omnino actionem corporis vel impeditam colligere daretur.

Et quidem animadversione dignissimum inprimis hoc habetur, quod integro sesqui-anni spatii decursu nihil quidquam in voce mutatum fuerit. Quum enim naturæ beneficio vere masculam barytonam hanc haberet, eandemque ad modulos musicos sedulo, diuque, ad perfectionem usque excoluisset, hinc cantandi suavissimus esset peritissimusque artifex, absque ullo impedimento, sine incommodi sensu lente, parceque, sustentatum spiritum, ultra quod credibile producere valebat, atque in longam plane moram extendere. Remansitque inculcata hæc, & plane singularis, facultas per omne hoc tempus, donec ipsum lethale malum primo se manifestare inciperet.

Quin etiam in deambulatione, cursu, atque saltatione, non modo post hanc curationem membra flexilia, molliaque expertus est brachia, sed & animam adeo constantem, fortemque, ut nec fatigationis appareret quid-

quam, nec thoracis, pulmonisque, ullum vitium; imo vero vix erat videre alium, qui de facilitate respirandi, pectorisque vi, cum eo certare potuisset.

En, mi lector, talis erat Illustrissimus Marchio ab ineunte aetate, talis erat sesqui anno postquam ab terribili haemorrhoidum malo liberatus usus fuerat sanitate integra, illibata. Haec ego Tibi sermone plano, & sane vero, ob oculos ponere conatus fui: ut, priusquam caetera perlegas, haec omnino explorato cognoscere velis, tecumque serio imprimis considerare, quidnam mali in tali corpore nasciturum praevideres ex scientia medica, quidnam prae caeteris futurum metueres? Crediderim enim in omni historia morbi anatomicè conscribenda, & perlegenda, in usus medicos, omnino opus esse, naturalem corporis habitum, morbos praegressos, vitae genus, curationes adhibitas, examussim primo addiscere, antea quam de morbo agi incipiat, quo aeger occubuit. Aegre hinc haud feres, nec importunam habebis, primam hanc historiae partem, licet minus peritis rerum medicarum forte ut supervacanea explodi posset. Hos vero saepe expertus minus idoneos censores, moratus nunquam, accingo me ipsi funesti, & mirabilis omnino, morbi historiae contextendae.

Ince.



Incepit igitur Illustris Marchio perſentis-  
cere imminui primo integritatem optimae  
valetudinis decem menſium & dimidiati  
ſpatio, antequam violentia morbi interiret.  
Etenim exquisitiſſimus plane, & perpetuus  
dolor occupabat primo illam corporis pla-  
gam, quae ab aegro ſub laeva indicabatur  
ſcapula verſus thoracis interiora; hinc vero  
per ſiniſtram pectoris partem deinde ſe diſ-  
fundens pari ſaevitie increſcebat. Quum  
vero acerbitas horum cruciatuum quotidie  
intenderetur acrius, ſimul tota lateris huius  
regio in ſede ſua interna inprimis torque-  
batur. Quodque augebat magis doloris  
vehementiam, tuſſis accedebat moleſta non  
modo aſſiduo irritatu, quieti adverſa, ſed  
diſtentu laterum quaſſiatorum intolerabilem  
in illo loco dilacerationis ſenſum perpetuo  
incutiens. Conſulti ſuper malo medici ſa-  
pientes rheumaticos vocabant dolores, at-  
que iis quidem aggrediebantur remediis,  
quae ipſa ars ad hanc mali ſpeciem quam  
fidiffima dictitat. at fruſtra penitus! quum  
tantum abeſſet ut miteſcerent ad data haec  
ſubſidia, ut contra inſurgeret malum cu-  
rando, ſemperque quo magis augebatur, eo  
ſimul ſub dimidiata thoracis ſiniſtra parte  
inprimis ſe figebat immobile plane, nec ar-

te ulla loco movendum occupato, nec leniendum unquam. Ergo nec levare misso aliquoties sanguine, nec datis ex aperientium classe remediis lectissimis, quin & olea eludere, ipsa soporiferorum sopimenta spernere. Ubi aliquamdiu, & omni quidem hora gravius, luctatus fuerat cum hisce doloribus, infestior longe, atque crudelissima tortura saevior interna pectoris sub mamilla sinistra, exercuit; ejus sane violentiam adeo abnormen esse, atque intolerabilem omnino, testabatur, ut ferendo se haud esse, palam clamaret. Ita Nobilissimus aeger noctes, diesque, extortus, gemitu & ejulatu se, praesentisque fatigans, vix poterat ullam dare corpori lassato requiem, ullam ferre positionem tolerabilem; quare neque somnum ullum oculis videre valebat, neque refici blanda quiete. Tandemque eo pervenit tristissima morbi facies, ut in lecto sedere cogeretur, corpore quidem utcunque erecto, sed antrorsum tamen trochi instar incurvato, cubitisque ita pulvinari femoribus imposito innixus, ut miserrimam omnino speciem exprimeret. Attamen naturae omnino adversus hucce corporis positus id subin concedebat solatii, ut paucissimo tempore requiescens doloris excessus

spatium daret parcissimo somno; quum interea paulo post dira cum anxietate turbatus excitaretur in easdem prorsus miseras relapsus.

Talis erat imago morbi, quum Illustris Comes de Wassenaer, Twikelaë Dynasta, qui sapientia & virtute ad exemplum ornatus eximium natalium splendorem morum nobilitate superat, me quam humanissime rogaret in consilium ocys habendum cum Medico domestico, verebatur quippe, ne urgens malum opprimeret quam citissime aegrum.

Ventum ergo ubi ad deliberandum fuerat, exposuit Vir Eruditissimus, Jacobus de Bye, Medicus expertissimus, quam accuratissime omnem memoratam modo historiam mali; aperte simul enarrans diversissima remedia, atque varias plane vias, quae tentata fuerant in solamen, curationemque, morbi terribilis, deplorando pariter infaustum penitus successum, contra invalescente quotidie vi mali; quae omnia postquam diu admodum perpenderamus, neutri constitit de natura ipsius morbi, neque vel de sede affecta. Doctissimus quidem Medicus de Bye, quum vidisset magnam saepe spissioris pituitae excreationem  
sum-

summis anxietatibus successisse, eo inprimis inclinabat, ut crederet Vomicam ad latera pulmonemque latere; atque sane omnis veri species ab hac sententia non aberat. Neque tamen credere quivi id mali urgere Nobilissimum Aegrum: quoniam caetera fere illibata perstarent, solis anomalis hisce Symptomatibus urgentibus afflictum corpus. Rogatus vero ipse de indole mirifici morbi opinionem propriam, meditatus diu, omniaque animo versans mecum, respondi, nescire quidem me, quid ex vero statuerem de interna conditione rarissimi, nec unquam prius oblatis mihi, morbi; caeterum censere, quod universa, & singula, symptomata docerent, quod instrumenta dilatando pectori propria haud ferrent eam contractionem, qua partes musculorum vere agunt, partes vero thoracis dilatandae in inspiratione reniterentur expansioni suae, hinc utrisque immanis dolor, hinc & summa spirandi molestia, atque suffocationis metus. Atque ea quidem prolata in diagnosin ubi satis placere videbantur, suasi, ut decocta emollientissimorum pannis laneis excepta undique externe applicarentur illis pectoris plagis, quae intra inspirandum praecipue moventur, ad costas inprimis, harum cartilagi-

lagines, & sternum; ut dein noctes diesque appositu corporum calidorum sustentato tepore, foveretur perpetuo thorax, in balneo veluti positus. Praeterea consului simul & similia interne hausta assiduo eadem praestarent interno corpori, & copia satis liberali, & repetita saepissime. Victus autem de lacte, jure carniū, oleribus molliſſimis, pauca copia simul, at geminata saepe etiam commendabatur. Tum & inhalatio vaporis tepidi per vias aëris in pulmonem continenter suadebatur instituenda. En, mi Lector, haec erant sola, quae intentissimi animi cogitatio excogitare valebat in alicujus spem solatii. Atque ea quidem omnia quam exquisitissima cum cura ita peracta fuere; tantumque ex his sollicitissime applicatis levamen ortum, ut omnes in fallacem erigeret spem successus exoptatus rei, mitificabatur quam maxime doloris acerbitas, adeo prius intolerabilis, neque etiam postea usque ad mortem rediit unquam illa, qua prius saevitie; imo vero blanda interpolabatur requies, suavissime aegrum refocillans. Sed vanas hominum spes, & coeca gaudia! Tussis molestissima succedebat, noctes, diesque, conquassans aegrum, nihil tamen, nisi magna vi expressum

expressum tandem gluten, in ipsa aqua tenacissime cohaerens, excreans; neque haec vel demulcebatur oleis, nec expectorantibus levabatur, Opio quidem sopiri visa pro tempore, assurgebat ilico violentior. Quin & exoriebatur saepe instantis suffocationis funestissimus sensus, quo jamjam quasi enectus ubi erat, nec animam ducere compos, tandem summo inspirandi molimine reflexo capite, retrotracta cervice, thorace elevato, aërem vi trahebat in pulmones cum sono tremendo, atque rauci gutturis clangore, haud aliter, quam si sonitum intensissimum audivisses; ardeae stellaris, quem Butorium vocant quo sane nihil aliud ingratius, magisque terribile quid percipere potuisses; tum momento postea longe liberior iterum aderat spirandi facultas. Ita tamen, ut, quo tempore deinceps usque ad mortem, intervalla lenissima haberet, nunquam vel exiguo spatio temporis posset decumbere vel in dorsum, vel in alterum latus, neque & jacere pronus: quoniam ad minimum corporis inflexum ilico praesentissima urgebat suffocatio, adstantes intentata morte territans; cogeatur ergo continenter sedere, noctes diesque, corpore erecto, extenso collo, levato capite, cujus dormituriensis vel levis mutatio tandem evadebat prorsus  
into-



intolerabilis. Interea lassum corpus si fessus de sedili levare conaretur, mox ad levissimum hunc conatum luridae faciei subnigrescens color, venarum per vultum tumulentum elatio, protuberantes oculi, anhelitus ad ima ilia, morientem pingebant hominem. Nec nisi sedenti per raucum sonitum reddebatur aliqua requies. Quando vero animosior paulo impetu capto passus binos, ternos, progredi nitebatur, tum vero omnia descripta prius mala longe violentius insurgere: Denique dolumus videndo, quod paucularum vocularum pronunciatio similis evaderet tragoediae causa. Quod stupendum inter haec nobis videbatur, per omnia haec calamitosissima, quae distorquebant corpus, arteriarum pulsus fortis erat, constans, neque celeritate praeceps, neque deficiens, sed sufficiens, qui universum corpus aequabili perfunderet calore, atque satis idoneo nutrimento, reficeret, sustentaret. Paucis modo ante obitum diebus vacillare subin deprehensa fuit haec cordis actio, atque pulsus deficere, vel intermittere. Usque ad Julii nonam miserrimam traxit vitam, cum diris quotidie & funestis colluctatus symptomatibus, itaque integro fere mensis spatium enectus, absque ullo interpolato levamine,

ne, nisi quandoque unica interdiu horulâ. Quotidie interim crebriores atque violentiores simul insultus suffocantes, qui in vigore vultum jam semper reddebant, qualem supra descriptum dedimus horrendum. Clyisma simplex brevis solatii speciem adferebat. Quin etiam summæ præcordiorum angustiae jam dudum effecerant, ut crederet ille, flatus esse, qui hypochondria obsiderent, distenderentque, urgebatque inprimis Medicos, ut cogitarent serio de remediis, quæ dissipandis illis propria noscuntur: ita securari posse, si origo, unde assiduo, absque fine, repullularent, auferretur. Magis quidem id credebat, quoniam fame ingenti, & assidua, agitabatur ad capienda alimenta, quæ nactus avidissime ingerebat, & nisi praesentes omni modo cohibere cõnati fuissent, ingenti devorasset copia: quamvis ab ingestis quam dirissime angeretur postea. Octiduum agebatur ante fatalem horam, quando incredibili cum gaudio experiebatur, hæmorrhoidum fluxum sanguineum: hinc enim sanationem mali exspectabat; voluerat semper, ut medici has arte excitarent, qui & id fomentis apposis jam tentaverant prius; accusabat tamen semper negligentiae Medicos, quod ab initio mali incepti non omni ope

ope vasa haec in plenum fluxum solvissent. Septimo Julii magnam satis cruori :copiam alvo demisit, qui coactus in magna frustra apparuit. Sequenti die rursus multum sanguinis eadem evacuabat via; solito se alacriorem sensit, ut sustentatus per cubiculum aliquot progressus fuerit passus, quod sane diu ante haud potuerat fecisse. Sed fames simul illa die insatiabilis adeo, ut aliquoties comederet de variis esculentis, deglutiens jam absque suffocationis metu, atque angustiae ad praecordia sensu; ita & large coenabat, hilaris satis, quum experiretur jam facere sibi fas esse, quod a pluribus septimanis vetitum fuerat: quum nec unciam juris carniū potuisset deglutire, absque imminentis mortis a strangulatu metu. Die tandem nono Julii, Vir Doctissimus Samuel Du Ry, Medicinae Doctor, atque expertissimus Practicus, qui felici consilio dudum Illustrissimo Viro adfuerat, invenit aegrum, post crudelissimae noctis labores fere enectum. Nunquam suffocans magis oppressio corpus exagitaverat. Reperit decima matutina erectum sedentem in lecto, fere strangulatum: facies & collum praetumida, atque inflata, oculi turgidi, & trusi extra orbitas, color funestus luridus; Mente bona, voce  
B forti

forti, noctis labores Medico narrat, omni-  
que momento imminens mortis pericula.  
Tum rogat Medicum, ut solvat venam; ne-  
ganti regerit, ergone permittes, moriar? Me-  
dicus contra ait, licetne mihi mortem Tibi  
properare? Ipsoque hoc temporis articulo in-  
crescebat immaniter suffocatio; mandat tamen  
famulo, jus recens ocysus praeparet; inten-  
debatur acutissima strangulatio incredibili  
augmento se intendens, vultus nigresce-  
bat de momento in momentum magis, in-  
tendebat omnes conatus possibiles ad respi-  
randum, prae immanitate suffocationis totus  
vultus jam nigredine suffusus sanguine per-  
fecte Aethiopem referebat, rogans tum ux-  
orem, ut funderet ad Deum preces pro ipso,  
frustraque novissimos adhibens conatus ad  
inspirandum aërem defecit, pronoque in pe-  
ctus capite exspirat, in lecto sedens manet a  
morte donec componeretur corpus.

A morte ocysus triste obitus nuncium de-  
tulit ad me Eruditissimus Du Ry, modum-  
que mortis narravit, ut quotidie de morbo  
conferre mecum assuetus fuerat, quo ex com-  
muni cuncta consilio agerentur. Rogavi-  
mus facultatem incidendi cadaveris; ut di-  
sceremus oculis causam anomali adeo morbi;  
atque ab Illustrissima hanc familia impetra-  
vimus

vimus sequenti die instituendam. Ego interim, qui omnem historiam satis intellexeram, collegi memet, atque severe examinavi, an perspicere possem veram tantorum malorum causam, tentavique omnia versans vel jam praedicere, quidnam aperto corpore reperturus forem insoliti, quamnam inprimis affectam partem. Sed, O Medici, palam profiteor, nihil quidquam certi statuere super hisce potui. Tu, mi Lector, si tanti haecce putes, priusquam sequentia evolvis, excute, quaeso praemissa, & vide, an praevidere ex illis perpensis queas, quatenus defuncti corpus conspicienda dabit.

Postridie utique Doctissimus Du Ry, expertissimus Chirurgus Porcher, & ego, lustrando cadaveri nos accinximus praesente simul Viro Nobilissimo, Arman Hardy de Vique, defuncti avunculo. Mox, uti in his soleo, universum corpus primo extrinsecus, undequaque, intentis dum perlustro oculis, in toto nusquam vel menda apparuit, nihil sane, quod aegrum culparet, sed omnia illibatae sanitatis notas prae se ferentia; neque ullam in corpore plagam animadverti, ubi assurgens tumor, alienus color, aut durities insolita, latere quid maligni subtus portenderet; quod sane palpans undique digitis

miratus sum penitus, quum omnino putassem aliquid infueti inventum iri circa hypochondria. Monebam interim praesentes, ut mecum viderent, quam bene torosum, atque sanum cerneretur, post longam adeo inedia, post tot sustenta mala, corpus, quod ne emaciatum quidem appareret. Sed simul rogaui, ut notarent, quod abdomen aequabili, magna fatis, mole, molliore tamen, promineret, atque tenderetur.

Ita quidem, ut elatus hic tumor perfecte referret eum, qui in abdomine sani hominis observatur, quoties largiore pastu refectus fuerit. Praedixi simul, reperiendam fore causam absconditam hujus tumoris, quum in ingesta prius referri haec neutiquam posset.

Quibus prius animadversis, lenem, suspensa manu, sectionem molitus sum a costa dextra prima per solam cutim, quam direxi supra loca, quibus ossa costarum extremas segmentis earundem cartilagineis committitur. Quod mirum rursus, pingue stratum commune cuti suppositum opimum fatis, ut in bene se habente corpore, apparuit. Percisa tunica pingui, carneque, dein commissuris ossium & cartilaginum costarum solutis, qua potui prudentia transcidi membranam hoc in loco, quae thoracem suc-

cingit



cingit. Quo vix exigua plaga in uno loco perfecto, obstupui statim, quum viderem ex elata hac supini corporis parte sursum exilire cum impetu, pressam quasi lympham tenuem, flavam, inodoram, copiosam. Meditabar paululum, quid hoc rei foret, anque forte suffocans pectoris hydrops origo fuisset malorum? Postquam profiliens primo latex spongiis absorptus non turbabat amplius visum, perrexī membranam pectoris juxta decursum modo descriptum perfecare, vidique continenter effluere, sed sine impetu jam, aquam: quum jam proprio tantum pondere dilaberetur, prius compressu ambientium partium acta urgeretur. Quantum dein per angusti vulneris hujus inflicti rimam intropici poterat, ante partium a se invicem divulsionem, apparebat pectus aqua velut plenum. Verum immisso dein digito per vulnus sentiebatur pulmo dexter in suo loco, ad superiorem thoracis membranam circa costas superiores, harumque cartilagine quam firmissime accretus, atque affixus immobiliter. Verum nolui ulterius hoc latus pectoris destruere, priusquam alterum pari modo fuissē aggressus. Itaque sinistro in latere omnia eadem simplici sectione perficiens, quae prius huc usque in

dextro, non offendo aquam; sed in loco antea descripto in hac laeva parte sub synchondrosi costarum nunc inveni pulmonem sinistrum membranae succingenti continuata accretione affixum, a suprema nempe thoracis parte, usque ad ipsum diaphragma, quin etiam ad septum medium ipsum; ut a jugulo, juxta costas, ad convexum diaphragmatis pulmo undique a digito inserto exploraretur affixus.

Quae posteaquam praesentibus examinanda praebueram atque diligenter notanda, cogitavi, nihil convenire magis ad interiora fidelibus subjicienda oculis, quam ut sine ulla partium a naturali situ mutatione pectus jam aperirem. Ergo conabar sternum, cum accretis utrimque & relictis cartilagineis segmentis, a costarum ossibus sectione diremtis, inferne separare, atque prudenter dividere leniter elevatum a membranoso corpore, quod a membrana succingente utroque de latere pectoris sub sterno concurrente factum nascitur, sternum accrescit intercedente mire fabricata ex cellulis subtilissimis membrana, atque pericardio dein & mediaestino originem praebet; putabam quippe, dein etiam infra a diaphragmate sterni finem, arcusque cartilagineos, dissecare ita, ut illaesis caeterum  
in

in thorace partibus, elevato sterno, in pectus libere possët introspici.

Haec igitur hac arte aggressus mirabar statim, quod ad membranam succingentem, qua parte cartilagineis costarum segmentis subjacet, inveniretur moles ingens, firmiter accreta; quae quum a natura pulmonum penitus aliena appareret, qui hic loci liberi semper fluctuant, primum fecit, ut praesentes admonerem mirabilis quid, & infueti plane, se prodere, conjicere necdum posse, quid foret. Immisso digito per inflictum prius vulnus, lente divello membranam; cujus ope quidquid illud foret corporis accreverat cartilaginum involucris & sterni. Atque ubi hanc separationem ab utroque latere, hac ratione, peregeram quousque potui, tunc sterni infima sectione a diaphragmate divello, do illud prudenter parte infima elevandum sursum, interim membranam ipse cellulosa sterni succretam discindo, atque ita tandem totum sterni os, una cum cartilagineis costarum segmentis sursum retrorsum in faciem obvelatam reclino. Patebat tum adspectus in thoracem, atque aperti pectoris apparens facies a jugulo ad septum medium plena omnino erat corpore, coloris albi, satisque sani;

nisi quod in medio hujus superficiëi vomica exigua, quae sub medio haeserat sterni, se offerret, in qua materies liquida, lactei coloris, atque etiam fere tenacitatis, utique purulenta non erat. Ostendi mirum hoc portentum adstantibus, nec erat, qui divinare posset, quidnam esset rei? Igitur digitis undique superficiem attrecto, dumque palpo undequaque, reperio massam consistentem, satis duram, fere ubique sibi similem. Oriebatur quidem ex supremo omnino cavi thoracis fastigio, ubi ex ipsa membrana ibidem pectus cavum succingente adeo lato sane principio originem ducebat, ut supra jugulo, antè sternum, retro ope mediastini totius vertebris thoracis, accreta, totum illud spatium oppleret, ad latera vero utrimque versus costarum media in quatuor quidem uncias Pedis Rhenolandici, & ultra, se extenderet. Decurrebat corpus hoc pari forma, sed versus inferiora sensim dilatatum, caeterum toto suo decursu vertebris manens accretum sternoque, usque ad ipsum diaphragma, cui dein lato expansu massae suae antè se affixerat ita, ut primo appareret totum septum occupare; sed in postremo examine constitit, pericardium cum corde, suisque vasis

ma-

majoribus retro deorsum pulsum, ibidem septi partem reliquisse liberam. Quo percussi terrore monstrum hoc informe, ingens, hic loci, in cippo naturali nobilium viscerum conspexerimus, contrectaverimus omnes, Tu mi Lector cogita! Resecti paululum ulterius idem, propiusque explorare aggressi invenimus, quod in sinistro thoracis cavo, longe major moles hujus tumoris, quam in dextro, erat. Namque in laevam hanc pectoris cameram adeo se diffuderat, ut hanc totam fere solus impleret; unde & pulmonis lobos huic cubiculo naturaliter inclusos ita arctaverat, compresseratque contra membranam succingentem, ut eosdem & aëri reddiderit, & sanguini penitus impervios; quinimo eodem appressu effecerat, ut horum compressorum lorum membrana penitus, nec separabiliter, concreverit cum ipsa superficie hujus tumoris, cum tota membrana costas succingente ubi lobos hos contingere poterat pulmonum, atque inferius cum diaphragmate, qua parte & hoc potuerat attingere depressus pulmo. Apparuit sic satis, primam sedem mali, unde se deinde extenderat, in laeva parte pectoris sub scapula alta fuisse, unde expansu suo acerrimi sensus membranas di-

storserat, dolores enormes pepererat.

In dextro pectoris thalamo valde se quidem diffuderat tumor, ita tamen, ut ibidem multum sane compressos pulmonis hoc in latere lobos utcunque pauco aëri apertos reliquerit, quin & eo trusa majora vasa corde egressa, eo cor cum pericardio ipsum adegerit. Tumor autem quum superius, ubi angustior Viris thorax, magis impediret compri-mendo lobos pulmonis dexteros, quam inferius, ubi latior sensim laxatur, hinc respiratio videtur exercitata tantum fuisse in hac parte thoracis dextra inferiore, aërque tum ducendus fuisse per bronchiorum superiora angustius compressa, hinc violento adeo molimine opus fuisse, ut per has angustias aërem in infima loborum dexterorum, ubi sola respiratio, ergo & circuitus sanguinis, poterat exerceri, ducere posset. Hinc illi su-rapti celeriter aëris ad cartilaginea compressa bronchia raucum illum dedisse in summa spirandi difficultate sonum. Porro lobi pulmonum dexteri cum membrana succingente non nisi in superiore parte accreverant: sed cum latere molis descriptae expanso in hoc cavum in medio concreverant penitus, ut & hic pulmo suo in officio, vel hac quoque de causa impediretur. Conati sumus dein  
totam



totam hancce massam separare quam cautissime a partibus, quibuscum concreverat, quod circa pericardium, pulmones, & imprimis circa magna vasa sanguinea, fere impossibile fuit prosequi: quum ibidem vasa immersa & intricata facile laederentur, effuso cruore festinantibus moras assiduo injicerent. Utique massa ruditer separata, moxque bilanci appensa, pependit libras sex vulgares, cum dodrante, eratque interim compagis levissimae, unde magnitudo molis ingens facile perspicui potest. Totum hoc corpus coloris erat candidi instar purissimi sevi. Si transcinderetur, liquor lacteus, pauca copia, hinc inde exstillabat. Caeterum unum consolidatum corpus erat, in quo nullum omnino vas conspici liceret, nisi magna illa, circa quae circumcreverat. Neque etiam ulla membrana, praeter externam ambientem, in ipsa interiore parte massae cernere erat; ut neque in cellulas ullas, vel loculos, diducta appareret. Verum attrita inter digitos pinguis instar olei liquef-cens difflebat. Quare igitur verum Steatoma fuit. Hoc vero naturalis pinguetudinis abnormem copiam intra unius extensilis valde involucri membranosi cancellos aggestam esse, Clarissimus Ruyschius dudum  
vero

vero experimento comprobavit, enarravitque immensas moles, in quas adaucta quandoque deprehensa fuisset. Utcunque vero ingentes Steatomatum massae fuerint, si tamen in sartagine leni igni lente committuntur, liquecunt penitus, atque in pingue diffluens totae quantae deliquecunt, incredibiliter parva membranula non soluta relicta.

Nihil interim conspectu fuit mirabilius, quam mutata ab habitu naturali viscerum in thorace positorum facies: quum enim moles fere septem libras pendens coërcitum ossibus pectus impleret, totum diaphragma deorsum pressum fuit intra abdominis cavum, unde hoc tensum prominulum effecerat, & praetumidum, quem admirati fueramus primo, ventrem. Pericardium, diaphragmati innexum, hoc sequutum erat, unde illud cum contento corde ad infima pressum, loco a naturali longe alieno situm, deprehendebatur. Namque pars septi medii, cui pericardium circumnascitur, detrusa deorsum haerebat infra umbilici altitudinem cum corde contento, proindeque & mediastinum adeo quoque distractum, distentum, atque elongatum, fuerat. Imo & ipsa sanguifera vasa, quae pericardio egrediuntur, in eandem

dem longitudinem extensa apparebant. Pulmonibus autem quid contigerit, jam antea accuratissime describere conatus sum.

Nos vero, posteaquam stupenda haec in pectore repereramus, putavimus, manifestas satis causas detexisse in cadavere, a quibus liquido intelligi posset historia omnium illorum symptomatum, quae in decursu terribilis morbi fuerant observata, ne ullo quidem excepto; quin imo & mortis ipsius inevitabilis necessitas inde sequens. Quare opus non duximus corpus ultra discindere.

Vides novum exemplum humanae calamitatis! Ubi insons, blandus, pinguis, humor, sola copia abundans in loco arctationis impatiente, tam diros, tam mirabiles, tam insanabiles, morbos, mortemque tandem ipsam, produxit. Intelligis, quoties symptomata anomala penitus, nulli cognito aptanda morbo, in aegrotante apparent; toties cogitandum esse de causa insolita latente, quae evolventi casus anatomicos forte tum occurret, vel conjecturae probabili oportunitatem praebebit.

Utinam valeret Medici exercitati ingenium perspicere tale malum primo in ortu, quando formari modo incipit! Utinam &  
tunc

tunc impedire noffet femel incepti luxuriantis pinguis ulteriorem diffusionem! Tum demum spes foret, mala haec cognosci, caverique posse. Semel enim formata nulla dein arte dissolvi, digeri, dissipari, queunt; nisi forte idoneus fitus manui peritae extirpandi facultatem offerat. Neque vero novi haecenus repertam artem, qua pinguetudo semel incipiens dilatare sua vascula, atque formare tumorem obesum praeter naturalem, coërceri queat, ne quotidiano incremento in moles excrescat immensas. Quum enim, in externis sub cute enata Steatomata, manui, pertractationi, potentibus remediis chirurgicis, exposita, non possint prohiberi ne augeantur; quid de interioribus putes. Sane quoties jactatorum turbam talia se posse gloriantem audio, toties vellem, scirrhos, caneros, carcinomata, meliceridas, atheromata, steatomata, in exterioribus patentia, fidis auxiliis auferendo exemplum efficacis darent scientiae! sapientes enim talia extra potestatem artis esse candidi agnoscunt, tristes dolent.

Sed heus, mi Lector, uno te velim, priusquam te absolvo. An sanatae haemorrhoides causam dedere primam tristi malo? Quum enim abundantem humorum, purique

que sanguinis, colluviem quotidie evacuari suetam interceperit, in corpore retineat, huc forte deposuerit, credi posset, originem hinc tumori primo datum, incremento assiduum praeberi potuisse alimentum. Maxime suspicio augetur concepta semel, quod nihil unquam talis mali in corpore prius observatum fuerit. Verum his tamen omnibus occurri posse videtur observando, vix ab haemorrhoidibus suppressis, sanatisve, nasci steatomata. Neque vero uestu, sectu, adstrictu, vel erosione, vel ligatione, hic sanatas easdem fuisse, sed blandis, emollientibus, depurantibus, remediis. Quin & signa nulla plethorae usquam apparuere, postquam minus stillabant. Tamen de hisce quisque libere iudicato & sincere, mihi suffecerit, ita, ut vere contigit, descripsisse casum.


F I N I S.











5-

